

UNIMAS jadi pilihan pelajar lanjut pengajian

UNIMAS menerima kira-kira 49,000 permohonan bagi ambilan September Sesi 2013/2014

Oleh Rusnan Mustafa

KOTA SAMARAHAN: Universiti Malaysia Sarawak (UNIMAS) terus menjadi pilihan pelajar Malaysia mahupun dari luar negara melanjutkan pengajian di peringkat lebih tinggi.

Naib Canselornya Prof Datuk Dr Mohamad Kadim Suaidi berkata, UNIMAS menerima kira-kira 49,000 permohonan bagi ambilan September Sesi 2013/2014.

Beliau menjelaskan, daripada jumlah tersebut sebanyak 4,450 surat tawaran dikeluarkan kepada pelajar yang berjaya dalam permohonan mereka.

"Setakat hari ini seramai 4,000 pelajar sudah mendaftarkan diri di sini (UNIMAS) yang mana 67 peratus daripadanya adalah pelajar wanita dan selebihnya lelaki.

"Malah, pada Sesi 2013/2014 kami menjangka akan menerima kira-kira 85 pelajar antarabangsa," katanya pada sidang media



SELAMAT DATANG: Pelajar baharu Sesi 2013/2014 mendaftarkan diri di kaunter pendaftaran yang dibuka di Kolej Cempaka, UNIMAS semalam.

sempena Majlis Sambutan Pelajar Baharu UNIMAS ambilan September Sesi 2013/2014 di Kolej Cempaka di sini semalam.

Pada masa yang sama Kadim berkata, UNIMAS

juga telah mencapai sasaran untuk mempunyai keseluruhan 15,000 pelajar dua tahun lebih awal.

"Kami menasakarkan untuk mencapai 15,000 pelajar secara keseluruhan pada

2015, namun tahun ini jumlah keseluruhan pelajar kami mencecah 16,000 dan ini membuktikan kami mencapai sasaran dua tahun lebih awal daripada apa yang ditetapkan.

“Setakat hari ini seramai 4,000 pelajar sudah mendaftarkan diri di sini (UNIMAS) yang mana 67 peratus daripadanya adalah pelajar wanita dan selebihnya lelaki.”

Prof Datuk Dr Mohamad Kadim Suaidi
Naib Canselor UNIMAS

"Justeru, ini membuktikan UNIMAS menjadi pilihan di kalangan pelajar Malaysia mahupun dari luar negara melanjutkan pengajian mereka di peringkat yang lebih tinggi," jelasnya.

Selain itu, beliau memberitahu UNIMAS turut menerima pelajar ijazah dan pascaijazah seramai 450 orang yang mana 230 daripadanya sudah mendaftarkan diri.

"UNIMAS kini dikedudukan ketujuh di Malaysia dan tangga ke-180 di Asia, sekaligus mampu menjadi saingan kepada universiti yang ada di negara ini," tambahnya.

Sementara itu, Kadim memberitahu bahawa majlis ikrar pelajar yang akan diadakan pada 6 September ini dijangka dirasmikan Menteri Kebajikan, Wanita dan Pembangunan Keluarga Datuk Fatimah Abdullah.

Hadir sama pada sidang media itu semalam, Timbalan Naib Canselor (Hal Ehwal Pelajar dan Alumni) Prof Mohd Fadzil Abdul Rahman, Timbalan Naib Canselor (Akademik dan Antarabangsa) Prof Dr Fatimah Abang dan Timbalan Naib Canselor (Penyelidikan dan Inovasi) Prof Dr Peter Songan serta penguurusan tertinggi UNIMAS.